



Broj:
Sarajevo, 16.06.2022. godine

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM
n/r predsjedavajućeg, g. Nebojša Radmanović

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:	16-06-2022		
Organizaciona jedinica	Klasifikaciona oznaka	Redni broj	Br. list.
01-50-1		359/22	

Na osnovu člana 8. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19 i 26/20), podnosim

ПОСЛАНИЧКУ ИНИЦИЈАТИВУ

kojom Predstavnički dom Parlamentarne skupštine Bosne i Hercegovine zadužuje Vijeće ministara Bosne i Hercegovine da u što kraćem roku izdvoji iznos od 200.000,00 KM za sanaciju štete i izradu novih 700 kamenih cvjetova sa imenima antifašista koji su dali svoje živote za slobodu grada Mostara i čitave Evrope, te za buduću integralnu institucionalnu zaštitu i osiguranje ovog nacionalnog spomenika Bosne i Hercegovine.

Образложење

Dana 15.06.2022. godine ujutro obaviješteni smo da je Partizansko groblje u Mostaru, nacionalni spomenik Bosne i Hercegovine prve kategorije, uništeno i devastirano kao nikada prije. Barbari i neofašisti koji su to učinili, uspjeli su oštetiti svaku od 700 spomen-ploča. Dakle, riječ je o planskom i organizovanjom postupanju, koje ne može i ne smije proći bez naše adekvatne reakcije. S tim u vezi, obnova i sanacija ovog spomenika mora se izvršiti bez ikakvog odlaganja. To je naša ljudska i civilizacijska obaveza, jer uništavanje spomeničkog kompleksa Partizanskog groblja ima za cilj brisanje našeg antifašističkog naslijeđa na koje trebamo i moramo biti ponosni.

Obezbjedenje finansijskih sredstava sa državnog nivoa za sanaciju štete i izradu 700 novih kamenih cvjetova sa imenima antifašista u nadležnosti je Vijeća ministara BiH, jer se radi o zaštićenom nacionalnom spomeniku Bosne i Hercegovine. U vrijeme dok sam obavljao funkciju predsjedavajućeg Vijeća ministara BiH uspjeli smo 2018. godine iz budžetske rezerve Budžeta institucija BiH i međunarodnih obaveza BiH izdvojiti dio sredstava za obnovu Partizanskog groblja i time smo mu vratili stari sjaj. Dakle, potrebno je da Vijeće ministara BiH i ovaj put postupi na isti način. Time šaljem važnu poruku da nećemo odustati od zaštite našeg kulturno-historijskog naslijeđa, te da ovakvo ponašanje neće više biti tolerisano. S tim u vezi, neophodno je da paralelno sa rekonstrukcijom Partizanskog groblja, svoj dio posla odrade i nadležni policijski organi, uprava Grada Mostara, kao i nadležna Tužilaštva, kako bi se pronašli i oštro kaznili počinioci ovog vandalskog i fašističkog čina. Napominjem da Krivični zakon FBiH predviđa zatvorsku kaznu do pet godina za oštećenje ili uništenje spomenika kulture.

Dr. Denis Zvizdić